


TRAICTE DE  
*A prinse faut faire contreprinse, comme est icy monstré  
 par ce Lieutenant au Preuost.*



**E**T pour ce faire, le Lieutenant estant sur le pied gauche, tirera vn roide maindroit, ou estoc d'ault, sur le costé gauche dudit Preuost, & à vn mesme instant tournera aduancer le pied gauche, & prendra la garde de l'espée dudit Preuost venant par dessous son bras, & voulant donner le tour, le Preuost a fait la contreprinse qui est tout de mesme comme luy auoit dit & monstré, comme est cy dessus à sa portraiture, cotté en chiffre au derriere de son col, 85.

*Voila la fin pour faire ceste contreprinse  
 pour le Lieutenant.*

Senfuit

L'ESPEE SEVLE. 65  
*Senfuit la contreprinse pour le Preuost, contre ledit  
 Lieutenant assillant.*

**E**T pour ce faire, ledit Preuost sera aussi sur le pied gauche, en garde haute, & quand ledit Lieutenant aduancera le pied droit, pour tirer vn maindroit ou estoc d'hault, comme il peut à son choix, le Preuost tirera le pied gauche arriere, & croisera ledit maindroit ou estoc, tiré par ledit Lieutenant, du fort le foible, & quand il verra que ledit Lieutenant aduancera le pied gauche pour luy venir prendre la garde de l'espée pour faire ladite prinse, ledit Preuost ce voyant à vn mesme instant aduancera le pied gauche, & prendra aussi la garde de l'espée dudit Lieutenant avec sa main gauche, la passant par dessous le bras, de l'espée, tournant le dessus de la main en bas, & l'ayant prinse fera semblant de tourner icelle main pour luy oster l'espée du poin, comme est monstré cy dessus à la pourtraiture dudit Preuost, cotté en chiffre au derriere du col, 86.

*La fin de la contreprinse pour le Preuost,  
 contre le Lieutenant.*

*Aux figures & pourtraitures qui sensuiuent, est monstré cōment  
 ladite cōtreprinse cottée 85, & 86. est executée, iāt pour le Lieutenent  
 que pour le Preuost, de sorte que ledit Lieutenant ayant  
 bien obserué la volonté dudit auteur, a osté l'espée du tout au  
 Preuost, & aussi le Preuost ayant fait le mesme, obseruant de  
 sa part ce qu'il denoit, a osté l'espée audit Lieutenant, de sorte  
 qu'on verra cy apres que le Lieutenant a l'espée du Preuost, & le  
 Preuost a l'espée du Lieutenant, comme est cotté en chiffre cy  
 apres aux pourtraitures du Lieutenant, 87, & au Preuost, 88.*

R